




BIDAXUNE

# Gaztelua & Bidosa



Distantzia <b>13,1 km</b>	Desnibela <b>85 m</b>	Iraupena <b>3h00</b>	Tipologia <b>Itzulia</b>	Zedarriak <b>PR seinaleak ibilbide osoan + V81 1. zatian</b>
------------------------------	--------------------------	-------------------------	-----------------------------	-----------------------------------------------------------------

A64 autobideko 6. irteeratik ateratzean (Peirahoradako irteera), segi Bidaxunera buruz. D19 errepidea Biduzeko ibarrera buruz jausten da. Errekaren gainetik iragaten den zubiaren ondotik, Agaramontarren jauregiaren oinetan, aparkaleku zabal bat atzemanen duzu ezker; ibilbidea hortik hasten da (piknika mahaia).

GPS datuak : **UTM : 650530 - 4816790 Lat/Long : 43.48886/-1.13838**

**B**iduze bazterretik ibiliz, ibai-merkataritza egiten zen lehengo zirga-bidean gaindi ibiliko zara Bidaxuneko eta Akamarreko portu ttipien artean. Agaramont familiaren gaztelua beti begi bistan ukanez, mendixkan gora iganen zara Biduzeko laborantzaz ordokia gainetik ikusteko.



## 1. ZATIA > Bidaxuneko zubitik Biduze erreka bazterreara

UTM : 650530 - 4816790

Biduze bazterreko aparkalekutik, iragan ezazu Biduze zubia, eta beste aldean zoaz eskuineko bide berdera, errekararen ezker bazterrean (Orthezeko norabidean, etxe zuri baten aitzinean). Bizikleta bide horretan segurtasun osoz ibil daiteke D19 errepidearen eta Biduzeren artean. Hogeitabat minuturen buruan, bidea errepidetik urruntzen da, baina Biduzeren bihurguneak segitzen ditu laborantzaz-ordokian. Agaramontarren gazteluaren gainerako ikuspegiaren ondotik, bidea ezkerrean itzultzen da Biduze eta Lihuriren elkargunetik hurbil, eta bidegurutzetara batera heltzen 400 m urrunago.

## 2. ZATIA > Biduzeko ibai bazterretik Akamarreko porturaino

UTM : 651800 - 4816430

Biduze erreka bazterreko bideen gurutzaketan, utzi 81 bizikleta-bidearen seinaleak eta segi eskuineko bidetik (zubi ttipia), beti erreka bazterrean. Aitzina zaitetz alorren eta Biduzeren artean doan bidexka harriztatuan. Bukaeran itzulinguru bat egiten du ezker eta errepide batera heltzen (ponpaketagunea). Ibilaldia segitu aitzin, interesgarria da mundruna segitzea 100 m-tan eskuinean Akamarreko portura heltzeko (etxe zahar ederrak eta lehengo ontzilekua Biduzera sartzeko).



## 3. ZATIA > Akamarreko portutik Pascouauko bidera

UTM : 652470 - 4815370

Akamarreko portutik itzuli bide eta errepide arteko bidegurutzera eta segi pareko bide mundrunatuan. Saubat etxearen (1060.a) ondotik, utzi asfaltoa eta zoaz eskuinean igaten den bide harriztatutik. Mendixka erditsutan (89. etxea), segi errepidean, bi aldiz ezkerrean (Molièreko bidea). Ez joan eskuineko karrikara, iragan ibarxka oihantsu bat eta jautsi aitzin (bihurgunea), arretaz ibil zaitetz pareko xendraren atzemateko zuhaitzen azpian. Ikuspuntu baten ondotik (Moulié etxaldean), xendrak ezker segitzen du hesien azpitik, mendi mazelan. Hariztiaren ondotik (Usategia), bidexka mendixkan gora doa alorraren izkinan: hartu bide ona ezker, eta gero pareko errepidea bidexkaren segidan.

## 4. ZATIA > Pascouauko xendratik Biduze bazterreara

UTM : 652340 - 4817139

Y formako Pascouauko bidegurutzetara, jautsi ezkerreko errepidean, "Limeceko bidea" deitzen dena. Beherean ez joan eskuinetik datorren bidetik eta segi errepidetik Castéra etxearen aitzinetik iragateko. Ondoko bidegurutzetara, eskuineko bidea hartu Biduzera itzultzeko.

## 5. ZATIA > Biduzeko ur bazterretik Bidaxuneko zubira

UTM : 651800 - 4816430

T formako bidegurutzetara (jadanik hortik iragan zara), Biduzeren parean, joan zaitetz berriz eskuineko bide berdetik (Baionara buruz). Segi Biduze errekararen bihurgune luze eta Bidaxuneko aparkalekura helduko zara.

### INTERESGUNEAK

#### ❖ V81 bizikleta-bidea (1,6 km)

Ibilaldiaren lehen partean, Biduze errekararen bazterretan ibiliko zara, 81 bizikleta-bidea ere handik iragaten da Akamarrean. 81 bizikleta-bidea Pirinioen oinetako ordokitik iragaten da. UTM : 650833 - 4818053

#### ❖ Ikuspegia Biduzeko haranaren gainera (7,05 km)

Moulié etxaldearen gainaldean, xendratik ikuspuntu ederra bada Bidaxune gainera, haren gaztelua eta Biduze haranera. Biduzeren bihurgune zabalek haran ordokia eraiki dute, hezea eta alubioiz aberatsa, ezin hobea zereal-laborantzarako edo berrikiago egiten den kiwigintzarako.

UTM : 652808 - 4816518

#### ❖ Agaramontarren jauregiaren gaineko ikuspuntua (3,3 km)

XI. mendean eraiki zuten Bidaxuneko Gotorlekua. Agaramontarren da XIV. mendeaz geroztik. Dorre nagusi biribila Erdi Arokoa da, eta eraikinaren beste parte guzira XVI. eta XVII. mendeko zaharberrietze garaikoa da, alabaina Karlos V.aren armadak gaztelua erre zuen 1523an. Frantziako Iraultzan berriz ere desegina izan zen.

UTM : 651325 - 4816625

#### ❖ Akamarreko portua (5,15 km)

Etxe ederren eta latsagia tradizionaren artean, Akamarreko portua ibaian egin zen merkataritzaren lekuko da, denboraz hartan itsasbazterreko ibaiak salgaien garraiatzeko erabiliak baitziren. UTM : 652470 - 4815370

### ARRETAZ IBILTZEKO LEKUAK

Ibilbidea D19 errepideko zubitik iragaten da  
UTM : 650470 - 4816825

### EKIPAMENDUAK ETA ZERBITZUAK

- Bidaxune, Biduzeko zubia, piknika mahaia  
UTM : 650530 - 4816790

- 3,85 km

Akamarre, Biduze errekarako bazterrak, piknika mahaia  
UTM : 651785 - 4816435

# Ibilbideen erabilbidea

## ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan.

Gisa horretan, Oinezko Ibilaldien Frantziako Federazioaren gomendioak jarraitzen ditugu.

**Oso erraza:** 2 oren baino guttiagoko ibilaldia.

Familian egiteko arras egokia, bide ongi markatuetan.

**Erraza:** 3 oren baino guttiagoko ibilaldia.

Familian egin daiteke. Bidexka batzuetan pasagune zailxeagoetan pasatuz.

**Ertaina:** 4 oren baino guttiagoko ibilaldia. Ibiltzeko ohitura duten ibiltarientzat. Batzutan kirol mailako lekuetan edo desnibela duten maldetan.

**Zaila:** 4 oren baino gehiagoko ibilaldia. Ohitura duten ibiltari

kirolarientzat. Ibilbidea luzea edota zaila da (desnibelatua, pasagune korapilatsuak).

## MENDI BIZIKLETAZKO IBILALDIAK:

**Oso erraza:** bide zabala eta gurpiletako egokia; 300 m baino guttiagoko desnibela.

**Erraza:** gurpiletako nahiko egokia den bidexka; 300m baino guttiagoko desnibela.

**Ertaina:** bidexka teknikoak, 800 m baino guttiagoko desnibela.

**Zaila:** bidexka oso zaila, 300 eta 800 m arteko desnibela.

## DESNIBELA

Fitxetan agertzen den desnibela, goera guziren gehiketa da.

## IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da. Kontuan hartzen ditu ibilbi-dearen luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

## PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide teknikoaren, turismo eta ingurumen irizpideen arabera (informazio gehiagorako: [www.ffrandonnee.fr](http://www.ffrandonnee.fr))

## GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbi-dearen geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

## ZEDARRIZTATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorri jarraitu beharko zaizkie. Ibilbide fitxetan zehaztuko zaizu hori.

	PR TOKIKO BIDEXKA	GRP® TOKIKO IBILBIDE LUZEA	GR® IBILBIDE LUZEA	VTT BIDEXKA
Norabide ona	—	—	—	▲
Itzul ezker	└┘	└┘	└┘	◀
Itzul eskuin	┘└	┘└	┘└	▶
Norabide okerra	✗	✗	✗	✗

# Jokamolde egokiak mendi ibilaldietan

Ipar Euskal Herriko bidexketan ibili nahi bada, natura errespetatzen duen jokamoldea izan behar da, baina baita lurralde hori biziarazten duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.

## Abiatu aitzin, presta zaitetz

- Ez zaitetzela abia beharrezkoa den materialik gabe (mapa, ura, jantzi egokiak, etab.).
- Ez zaitetzela bakarrik abia edo, hala eginez gero, hurbileko bati edo herriko etxeari jakitera emaiozu (zenbait lekutan telefono sarerik ez da eta ezin atzemana bilaka zaitetzke).
- Erreketako ura ez ezazula edan eta ez zaitetzela honetan baina.
- Eguraldiari buruz informa zaitetz, erabat alda daiteke. Jakinean izan zaitetz garai hauek: lur-erretze, ihizi, oihan-lanetako eta abar.

## Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota onddorik ez ezazula bil baimenik gabe.
- Lekuan emana den seinaletika errespetatu ezazu eta zaude bidexka zedarriztuetan.

## Laborantza eta artzaintza aktibitateak errespetatu itzazu

- Autoan ibil zaitetz emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitetzela ibiltzera joan zure zakurrarekin, bestela, loturik atxik ezazu.
- Xeilak hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandik urrun egon zaitetz eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren guneeetan bakarrik.

## Zure hondakinaren kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereiz itzazu eta bigarren bizi bat ukan dezakete!

## ZENBAKI BALIAGARRIAK

- Météo France:  
08 99 71 02 64 edo 32 50  
edo [www.meteofrance.fr](http://www.meteofrance.fr)

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



## ZURE IRITZIA GURE BIDEXKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrak gure bidexken egoerari buruz interesatzen gaituzte, eta bidexkak egoera onean atxikitzeko aukera ematen digute. Gonbidatzen zaitugu edozein arazo edo ohar baliagarriak jakinaraztera: [sentinelles.sportdenature.gouv.fr](mailto:sentinelles.sportdenature.gouv.fr)

## HELBIDE BALIAGARRIAK

Euskal Elkargoko Turismo Bulegoa: Turismoko harrera bulegoak:

- AHURTI : merkatuko plaza  
+33(0)5 59 56 24 65
- BIDAXUNE : pilota plaza  
+33(0)5 59 56 03 49
- HAZPARNE : Donibane plaza  
+33(0)5 59 29 62 02
- BASTIDA : Pilota plaza  
+33(0)5 59 56 03 49

## PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuak gozatzeko, harremanetan jar zaitetz Euskal Elkargoko Turismo Bulegoaren turismoko harrerako bulegoekin.